



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Վ-4/122

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«31» հունվարի 2023թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Կենտրոն վարչական շրջանի ղեկավարի աշխատակազմի աշխատակից Հ. Հարությունյանի կողմից 15.12.2022 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգրք) 43.1-րդ հոդվածի 3-րդ մասի 8-րդ կետով նախատեսված վարչական իրավախախտում, մասնավորապես՝ քաղաքացի Արթուր Ժորիկի Միքայելյանի կողմից Երևան քաղաքի Ե. Կողբացու փողոցի հ. 67 դպրոցի մոտ թափվել է մինչև մեկ խորանարդ մետր ծավալով շինարարական աղբ, որի վերաբերյալ 15.12.2022 թվականին կազմվել է վարչական իրավախախտման վերաբերյալ թիվ Ա-000624 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 31.01.2023 թվականին գործի քննությանը ներկայացավ քաղաքացի Արթուր Ժորիկի Միքայելյանը (անձնագիր՝ հ. BA1583589, տրված 12.11.2014 թվականին 011-ի կողմից): Վերջինս բացի «Բացատրագիր» վերտառությամբ նյութում տրված բացատրությունից հայտնեց նաև, որ ընդունում է իրավախախտումը: Իր նկատմամբ առաջին անգամ է վարչական պատասխանատվության ենթարկելու հարց քննվում: Թերությունները վերացրել է:

Քաղաքացի Արթուր Ժորիկի Միքայելյանի կողմից գործի քննությունն իրականացնող իրավասու պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, Երևան քաղաքի Կենտրոն վարչական շրջանի ղեկավարի հ. Ն/42298-22 գրությունը և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 15.12.2022 թվականին քաղաքացի Արթուր Ժորիկի Միքայելյանի կողմից Երևան քաղաքի Ե. Կողբացու փողոցի հ. 67 դպրոցի մոտ թափվել է մինչև մեկ խորանարդ մետր ծավալով շինարարական աղբ:

Քաղաքացի Արթուր Ժորիկի Միքայելյանի կողմից թույլ է տրվել Օրենսգրքի 43.1-րդ հոդվածի 3-րդ մասի 8-րդ կետով նախատեսված վարչական իրավախախտում:

Հաշվի առնելով քաղաքացի Արթուր Ժորիկի Միքայելյանի կողմից տրված բացատրությունները և այն, որ քաղաքացի Արթուր Ժորիկի Միքայելյանի կողմից առաջին անգամ է թույլ տրվել Օրենսգրքի

43.1-րդ հոդվածի 3-րդ մասի 8-րդ կետով նախատեսված վարչական իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել, ուստի առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 43.1-րդ հոդվածի 3-րդ մասի 8-րդ կետի համաձայն՝ մինչև մեկ խորանարդ մետր ծավալով շինարարական աղբ թափելը՝ առաջացնում է տուգանք ֆիզիկական անձի նկատմամբ՝ նվազագույն աշխատավարձի քսանապատիկից երեսնապատիկի չափով, իսկ իրավաբանական անձի նկատմամբ՝ նվազագույն աշխատավարձի վաթսուհապատիկից ութսունապատիկի չափով:

Օրենսգրքի 43.1-րդ հոդվածի 10-րդ մասի համաձայն՝ 3-8-րդ մասերով սահմանված իրավախախտումները վարչական տույժ նշանակելու օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ տվյալ արարքի համար սույն հոդվածով նախատեսված տուգանքների չափերի կրկնապատիկի չափով:

Էլնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 43.1-րդ հոդվածի 3-րդ մասի 8-րդ կետով, 219.1-րդ, 252-րդ, 281-րդ և 282-րդ հոդվածներով և Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Քաղաքացի Արթուր Ժորիկի Միքայելյանին Օրենսգրքի 43.1-րդ հոդվածի 3-րդ մասի 8-րդ կետով ենթարկել վարչական պատասխանատվության՝ նշանակելով վարչական տույժ 20.000 ՀՀ դրամ գումարի չափով:

2. Նախագգուշացնել քաղաքացի Արթուր Ժորիկի Միքայելյանին, որ Օրենսգրքի 43.1-րդ հոդվածի 10-րդ մասի համաձայն՝ 3-8-րդ մասերով սահմանված իրավախախտումները վարչական տույժ նշանակելու օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ տվյալ արարքի համար սույն հոդվածով նախատեսված տուգանքների չափերի կրկնապատիկի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015213110 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱՆ՝



ԱՐԱՄ ՄԱՐՏԻՐՈՍՅԱՆ